

Kulturmidlar – Retningslinjer for tilskot til drift

Generelt om ordninga

Tilskot vert gitt til fylkesdekkande kulturorganisasjonar/fylkesledd og arrangørar med føremål innan kulturområdet. Ein legg særleg vekt på kulturaktivitet til barn og unge.

Søknadsfrist 01.03.

Føremål

Målet med tilskotsordninga er å fremje eit aktivt og allsidig kulturliv i fylket.

Kven kan søkje?

Fylkesdekkande kulturorganisasjonar/fylkesledd.
Arrangørar av varige, faste kulturtiltak.

Kva kan få tilskot?

Tilskotet vert gitt til organisasjonen sin normale aktivitet, og er ikkje knytt til prosjekt / særlege tiltak. Organisasjonen sine planar og målsettingar vert lagt til grunn for tilskot. Aktivitet og medlemstal/publikumstal er avgjerande for storleik på tilskot.

Krav til søknaden

Det skal søkjast på eige søknadsskjema. For skjema i papirformat, ta kontakt med nærings- og kulturavdelinga.

Det må ligge ved rekneskap og årsmelding for siste år.
Budsjett og arbeidsplan for komande periode må ligge ved.
Det må opplysast om tal medlemmar.

Søknadsbehandling

Søknaden vert handsama av fylkesdirektør for næring og kultur.
Søklarane vert tilskrivne så snart vedtak er gjort.
Fylkeskommunen skal grunngi kvar tildeling med klar forankring i dei fylkeskommunale målsettingane på kulturområdet. Grunngevinga skal vere tydeleg formulert og tilgjengeleg for alle.

Vilkår

Tilskot skal nyttast det året det er gitt tilsegn for. Tilsegnsbrev inneheld vilkår for tiltaket. Dersom tiltaket vert rimelegare enn føresett, eller dersom tiltaket av ein eller annan grunn får endra økonomiske føresetnader undervegs, kan tilskotet verte avkorta.

Organisasjonar som mottok tilskot skal ha ein heilårleg aktivitet, eit langsiktig perspektiv og ha eit varig føremål. Søknad og planar skal vise aktivitet gjennom året.

Rapport for bruken av midlane må vere innsendt før utbetaling kan skje. Rapporteringsfrist er 1. november.

Ved tilskot på 100 000 kroner eller meir skal det leverast revidert rekneskapsrapport.
Søklar vert oppmoda om å opplyse i skriv og annonser at fylkeskommunen støttar tiltaket.

Det er vidare sett vilkår om at arrangørar som mottok økonomisk støtte aksepterer følgjekortordninga.

Klage

Vedtak kan klagast på etter Forvaltningslova kap. VI.

Kulturmidlar – Retningslinjer for tilskot til prosjekt og tiltak

Generelt om ordninga

Tilskot vert gitt til prosjekt og tiltak som har føremål innan kulturområdet, med kulturell karakter som har allmenn interesse, og verknad for heile eller ein større del av fylket. Utviklingsperspektivet, der ein ønskjer å undersøke nye tiltak og arbeidsformer og samarbeid, samt å realisere dristige nyskapande kultursatsingar vert vektlagt ved tildeling.

Søknadsfrist 01.03.

Føremål

Målet med tilskotsordninga er å fremje eit aktivt og allsidig kulturliv i fylket.

Kven kan søkje?

Alle som driv med kulturell aktivitet som har allmenn interesse, og med verknad for heile eller ein større del av fylket, kan søke tilskot. Tiltak som viser nye vegar i kulturarbeidet kan også søke.

Kva kan få tilskot?

Prosjekt og tiltak innan kulturfeltet.

Eit prosjekt er ei målretta, tidsavgrensa og unik arbeidsoppgåve.

Det skal ligge føre prosjektplanar med ei tydeleg organisering, ansvar og økonomi.

Eit tiltak er eit enkelståande arrangement eller enkeltaktivitet. Det skal ligge føre finansieringsplan og skildring av arrangementet/aktiviteten.

Krav til søknaden

Det skal søkjast på eige søknadsskjema. For skjema i papirformat, ta kontakt med nærings- og kulturavdelinga.

Det må ligge ved budsjett/finansieringsplan og planar for prosjektet / tiltaket.

Søknadsbehandling

Stønad vert gitt etter konkret vurdering i kvart enkelt tilfelle innanfor dei til ei kvar tid gjeldande kulturpolitiske satsingsområde.

Søknaden vert handsama av fylkesdirektør for næring og kultur.

Søklarane vert tilskrivne så snart vedtak er gjort.

Fylkeskommunen skal grunngi kvar tildeling med klar forankring i dei fylkeskommunale målsettingane på kulturområdet. Grunngjevinga skal vere tydeleg formulert og tilgjengeleg for alle.

Vilkår

Tilskot vert gitt i ei avgrensa periode, normalt maksimum 3 år.

Løyving vert gitt årleg, og det skal søkjast og rapporterast årleg.

Fylkeskommunen yter ikkje tilskot utover 1/3 av samla kostnad, og tiltaka må vere fullfinansierte.

Det vert lagt vekt på at tiltak som får tilskot har ei kommunal eller lokal forankring.

Tilskot vert gitt til prosjekt og tiltak som er i tråd med dei fylkeskommunale målsettingane innan kulturområdet.

Tilskot skal nyttast det året det er gitt tilsegn for. Tilsegnsbrev inneheld vilkår for tiltaket. Dersom tiltaket vert rimelegare enn føresett, eller dersom tiltaket av ein eller annan grunn får endra økonomiske føresetnader undervegs, kan tilskotet verte avkorta.

Rapport for bruken av midlane må vere innsendt før utbetaling kan skje. Rapporteringsfrist er 1. november.

Ved tilskot på 100 000 kroner eller meir skal det leverast revidert rekneskapsrapport.

Søklar vert oppmoda om å opplyse i skriv og annonser at fylkeskommunen støttar tiltaket.

Det er vidare sett vilkår om at arrangørar som mottek økonomisk støtte aksepterer følgjekortordninga.

Klage

Vedtak kan klagast på etter Forvaltningslova kap. VI.

Retningslinjer for tildeling av kunstnarstipend frå Sogn og Fjordane fylkeskommune

Generelt om ordninga

Sogn og Fjordane fylkeskommune har 2 stipendordningar for kunstnarar.

- Stipend for unge kunstnarar i etableringsfasen
- Arbeidsstipend for kunstnarar

Storleik på eit stipend kan ikkje overstige 50 000 kr.

Som ei vidareføring av eksisterande ordning er 110 000 kr av total stipendsum sett av til stipend til bildande kunstnarar og kunsthandverkarar.

Søknadsfrist 01. mars.

Stipend for unge kunstnarar i etableringsfasen

Føremål: Støtte unge profesjonelle kunstnarar som er busett i eller i ferd med å etablere seg i Sogn og Fjordane.

Kven kan søkje?

Kunstnarar under 35 år innan alle uttrykk som er busett i Sogn og Fjordane eller som skal etablere seg i Sogn og Fjordane i stipendperioden. Kunstnarar under utdanning kan ikkje søkje.

Det er krav om kunstfagleg utdanning eller høg realkompetanse.

Kunstnarar som mottar Statens kunstnarstipend eller Statens garanterte minsteinntekt i den aktuelle perioden kan ikkje søkje kunstnarstipend frå Sogn og Fjordane fylkeskommune.

Stipendet kan søkjast av enkeltpersonar.

Arbeidsstipend for kunstnarar

Føremål: Gje skapande og utøvande kunstnarar høve til å utvikle sine kunstnariske uttrykk eller eksperimentere med nye uttrykk.

Kven kan søkje?

Profesjonelle kunstnarar innan alle kunstuttrykk og sjangrar som bur og har sitt virke i Sogn og Fjordane. Kunstnarar under utdanning kan ikkje søkje.

Kunstnarar som mottar Statens kunstnarstipend eller Statens garanterte minsteinntekt i den aktuelle perioden kan ikkje søkje kunstnarstipend frå Sogn og Fjordane fylkeskommune. Om ein har fått stipend gjennom ordninga skal det gå minst 3 år før ein vil bli vurdert for eventuelt nytt stipend.

Stipendet kan søkjast av enkeltpersonar eller grupper.

Krav til søknaden

Saman med utfylt søknadsskjema skal det leggjast ved:

- CV som gjev oversikt over utdanning, stipend og yrkesverksemd.
- Datert oversikt over kunstnarisk verksemd dei siste 5 åra (utstillinga, konsertar, turnear, kunstprosjekt etc.).
- Prosjektplan for bruk av stipendet i stipendperioden, inkludert budsjett.

Søknadsbehandling

Fylkesdirektør for næring og kultur nemner opp 2 fagjuryar som har rådgjevande funksjon overfor fylkesdirektøren som gjer endeleg vedtak. Juryane har ei funksjonstid på to år.

Samanslutningar innanfor dei ulike kunstuttrykka vert bedt om å sende inn framlegg til kandidatar til juryane.

Det vert oppnemnt fagjuryar for:

- Visuell kunst
- Tverrfagleg (musikk, scenekunst, litteratur, film)

Ved vurdering av stipendsøknadene vert det lagt vekt på kunstnarisk aktivitet og kvalitet, og på stipendsøkaren sin plan for bruk av stipendet.

Fylkesdirektør for næring og kultur gjer vedtak om tildeling etter tilråding frå fagjury.

Utbetaling av stipend og rapportering

Stipendet vert betalt ut når vedtak om tildeling er gjort.

Det skal sendast ein rapport for bruken av stipendet innan 3 månader etter at stipendperioden er ferdig. Rapporten skal syne korleis stipendet er nytta og kva resultat mottakaren har oppnådd i perioden.